

虞氏逸象考正

全

新  
子  
知  
舟

PDG

虞氏逸象攷正

吳興叢書

烏程紀 磊著

惠氏

棟

曰荀九家逸象三十有一載見陸氏釋文朱

子采入本義虞仲翔傳其家五世孟氏之學入卦取象十倍于九家如乾爲王以下共三百三十一雖大畧本諸經然其授受必有所自非若後世鄉壁虛造漫无根據者也今讀其書誠如惠氏言然亦閒有未合處因更卽惠氏所注悉爲攷正以俟後之讀虞氏者察焉

乾爲王

惠氏曰乾爲君故爲王九家震爲王乾初九也

以下並惠

注

案震不爲王說見九家逸象辨證

爲神

陽爲神

案乾消爲神坤消爲鬼一三五爲乾二四上爲坤

爲人

指九三案康成注乾鑿度曰人象乾德而生又云太乙常行乾宮降感而生人

案人坤象坤地二二于三才爲人故坤爲人所謂乾知大始坤作成物也故天火爲同人風火爲家人人蓋謂坤也又文言傳中不在人人謂三六畫之三卽

三畫之二六畫蓋兼才也故曰立天之道曰陰與陽  
立地之道曰柔與剛立人之道曰仁與義虞氏以乾  
爲人非

爲聖人

九五

案乾爲聖坤爲人陰陽合德而剛柔有體故爲聖人  
聖人謂乾初初乾元爲善之長故爲聖人惠以五爲  
聖人者乾九五文言傳曰聖人作而萬物覩蓋初與  
五易也初與五易則五亦爲聖人故惠云然其實易  
中凡稱聖人皆謂初也

爲賢人



九二二升坤五故爲賢人

案賢人謂九三九三體艮艮爲賢人文言傳曰賢人在下位而无輔又曰天地閉賢人隱皆指三言也惠氏以二爲賢人未是

爲君子

謂九三三于三才爲人道

案君子謂九三惠注是也蓋三體艮乾爲君艮爲子故爲君子易中凡稱君子皆謂三也

爲善人

乾爲善爲人故爲善人乾元善之長也

案乾爲善坤爲人故爲善人所謂陰陽合德而剛柔

有體也惠氏以乾爲人用虞義也

爲武人

乾陽剛武春秋外傳曰天事武

案坤爲文故乾爲武

爲行人

案乾爲行坤爲人故爲行人與震同象

爲物

乾純粹精故主爲物

案繫傳乾陽物也坤陰物也陽物謂剛在外也陰物謂剛在內也所謂物者蓋指剛言也故乾爲物所謂精氣爲物也

爲敬

九三夕惕若厲厲說文引作夤夤敬也左傳成季之  
生也筮之遇大有之乾曰同復于父敬如君所是乾  
爲敬也

案敬見文言傳君子敬以直內義以方外敬義立而  
德不孤敬謂乾義謂坤剛柔交易故爲敬義立而德  
不孤所謂直以方也故乾爲敬

爲威爲嚴

君德威嚴太玄曰地坎而天嚴

爲道

乾爲天道之大原出于天故乾爲道彖傳曰乾道變

化

案道謂乾三初爲地五爲天三爲天地往來之道故  
道謂三所謂終日乾乾反復道也易中凡言道者皆  
指三言三體艮故與艮同象

爲德

乾有四德

爲性

天命之謂性

案性謂乾初繫傳一陰一陽之謂道繼之者善也成  
之者性也道謂乾三善謂乾五性謂乾初故初爲性  
所謂善之長也

爲信

坎之孚也

案信見文言傳忠信所以進德也忠謂坤信謂乾忠者信之存于中者也信者忠之發于外者也故乾爲信

爲善

善道屬陽

爲良

乾善故良

案良見說卦爲良馬

爲愛

長人故愛

爲忿

乾剛武爲忿

爲生

案乾爲息故爲生

爲慶

陽稱慶

案乾爲善故爲慶所謂積善之家必有餘慶也

爲祥

善也

爲嘉

四德亨者嘉之會

爲福爲祿

案乾爲善爲利故爲福爲祿

爲積善

案一三五爲積

爲介福

介大

案介福見晉六二受茲介福于其王母介之爲言分也與憂悔吝者存乎介之介同謂王母以餘福授二故二得受茲介福于其王母也介不訓大惠注非

爲先  
人為變

坤先迷後得主故乾爲先

爲始

乾知大始

案始謂乾初初乾元萬物資始故爲始

爲知

乾以易知

爲大

陽稱大

爲盈

十五乾盈甲

案陽實陰虛故乾爲盈乾上九象傳盈不可久是其



義十五乾盈甲本虞氏納甲說也

爲肥

乾盈故爲肥

爲好

賈逵曰好生于陽

爲施

陽主施

爲利

利四德之一

爲清

乾爲天輕清者爲天

爲治

乾元用九天下治

爲高

案高巽象巽爲高乾上九文言傳曰高而无民蓋乾上反卽坤初體巽故巽爲高升象傳曰君子以順德積小以高大是其義虞氏以乾爲高非

爲宗

宗尊也乾爲天天尊故爲宗

爲甲

乾納甲素問曰天氣始于甲

案甲謂乾初初乾元也元爲百善之長甲爲十干之

首故甲謂初乾納甲本虞氏說也

爲老

四月乾已老

案萬物始于乾故乾爲老見說卦爲老馬

爲舊

案乾爲老故爲舊

爲古

周書周祝曰天爲古尙書曰曰若稽古帝堯鄭注云

稽同也古天也

案古與舊同義積畫以成乾積歲以成古

爲久

不息則久

案久坤象坤爲永故爲久用六利永貞是其義虞氏  
既以坤爲永又以乾爲久非

爲畏

與威通

案畏亦坤象與恐懼同義坤柔故爲畏惠謂與威通  
威與畏顯然區別威近嚴畏近恐

爲大明

本卦

爲晝

案剛柔者晝夜之象乾剛故爲晝

爲遠

虞注謙象曰天道遠故乾爲遠

爲郊

位西北之郊

爲野

與郊同義

案國外曰郊郊外曰野郊野並坤象坤爲國爲邑故  
爲郊野坤上六龍戰于野野謂坤初也同人上九同  
人于郊郊謂鼎初也

同人變鼎  
本雜卦

皆坤柔象虞氏以乾

爲郊野非

爲門

乾坤易之門

爲大謀

坎心爲謀乾稱大故稱大謀

案謀字從言不從心據象當屬兌乾爲大兌爲謀故  
爲大謀

爲道門

案乾爲道故爲道門

爲百

乾三爻三十六故百略其奇八與大衍之五十同義  
左傳陳敬仲生周史筮之遇觀之否曰庭實旅百奉  
之以玉帛天地之美具焉蓋艮爲庭爲實坤爲旅爲

帛乾爲百爲玉也

案乾每爻三十六策合之坤過揲之數二十四爲六十坤每爻二十四策合之乾過揲之數一十二爲三十六陰陽合德而剛柔有體故每爻得九十六策益之以不用之一掛一之三掛一以象三謂一以當三也爲百策所以符一日之刻數者也故凡爻爲百以乾爲言者乾大故也故乾爲百

爲歲

案乾之策二百一十有六坤之策百四十有四凡三百有六十當期之日故卦主一歲以乾爲言者與百

同義

爲朱

乾爲大赤故爲朱

爲頂

與首同義

案頂與首皆謂乾初初乾元故爲首爲頂

爲圭

爲玉故爲圭

爲著

著數百與乾同白虎通引禮雜記曰著陽之老也

案著巽象巽爲草木故爲著虞氏以乾爲著非

坤爲妣



坤爲喪爲母母喪故爲妣

爲民

一君二民

爲姓

案姓從女從生故坤爲姓

爲刑人

坤爲刑

案刑人見下兌象兌爲毀折故爲刑人至坤爲刑人

象未見故張氏不列惠殆誤也

爲小人

陰稱小

爲鬼

乾神坤鬼黃帝占以坤爲鬼門

爲尸

坤爲身爲喪身喪故爲尸

爲形

在地成形

案乾知大始坤作成物大始氣之始也成物形之始也故坤爲形

爲自爲我

案自見乾象傳君子以自強不息又晉象傳君子以自昭明德君子蓋謂乾三我見蒙象匪我求童蒙童

蒙求我又小畜彖密雲不雨自我西郊蒙謂二小畜  
謂五亦皆以乾言也則自與我並當屬乾虞氏以坤  
爲自我非

爲躬

釋詁曰躬身也

爲身

釋詁曰身我也

案剛以柔爲體坤順承天故爲躬爲身

爲至

至哉坤元

爲安

坤主靜故安左傳畢萬筮仕遇屯之比辛廖占之曰  
安而能殺杜預以爲坤安震殺也月令晏陰鄭注云  
陰稱安

爲康

猶安也

爲富

大戴禮誥志曰地作富

案富見泰象傳后以財成天地之道注坤富稱財據  
象當屬乾乾爲利故爲富小畜五富以其鄰虞注五  
貴稱富則富謂乾也泰四翩翩不富以其鄰虞注坤  
虛无陽故不富則不富謂坤也而此又以坤爲富者

誤也下爲財同

爲財

禮運曰天生時而地生財

爲積

案二四上亦爲積

爲聚

案坤爲眾故爲聚

爲重

案重乾象繫傳夫茅之爲物薄而用可重也又力小而任重重皆謂乾也故乾爲重虞氏以坤爲重非

爲厚

厚德載物

案厚對薄言坤上爲薄如茅之爲物薄是也下爲厚如厚德載物是也

爲基

案象見繫傳履德之基也坤爲地故爲基履以柔履剛故爲德之基

爲致

與至同

案易中致字有二義一爲推致之致如馴致其道至堅冰也之類一爲致之之致如自我致戎又誰咎也之類

爲用

案坤消爲用用以也謂以變也易中凡言用者皆乾坤變化之象故六十四卦大象各著以字以明之讀者無輕掉焉乾坤用九六是其義

爲包

案包乾象蒙九二包蒙泰九二包荒之類皆謂乾也故乾爲包虞氏以坤爲包非

爲寡

坤陰小故爲寡

案寡對眾言坤爲眾以柔言也爲寡以剛言也柔多則剛寡故又爲寡

爲徐

案坤爲後故爲徐

爲營

坤爲甸古文甸營通詩江漢來甸來宣箋云甸當爲

營此其證

案營字不經見虞氏易否象傳君子以儉德避難不

可榮以祿榮作營故謂坤爲營

坤爲求故爲營

如從原本作

榮乃乾象虞氏改榮爲營故以象屬坤然于文言賢

人隱注仍引作不榮以祿故又曰營或作榮

爲下

地卑故下



爲裕

坤弱故裕

爲虛

乾息爲盈坤消爲虛太元日陽道常饒陰道常乏陰陽之道也

爲書

地事文故爲書坤爲文也

爲永

坤用六利永貞

案永與久同義故知久亦當屬坤

爲邇爲近

法言曰近如地坤爲身本諸身者最近故爲邇爲近也

爲思

案坤靜故爲思

爲默

案默艮象繫傳君子之道或出或處或默或語又默而成之不言而信存乎德行皆謂艮也艮止故爲默虞氏以坤爲默非

爲惡

好惡之惡賈逵曰惡生于陰

爲禮

案文言傳嘉會足以合禮乾爲嘉故坤爲禮  
爲義

周書曰地道曰義乾鑿度曰地靜而理曰義

案說卦傳立人之道曰仁與義乾爲仁故坤爲義  
爲事

六三或從王事京房云陰爲事

爲類

彖傳

案繫傳方以類聚故坤爲類

爲閉

坤闔戶故閉

爲密

兌上爻

案易中密字有二義小畜彖密雲不雨密當訓稠繫  
傳君不密則失臣臣不密則失身幾事不密則害成  
密當訓秘虞氏以坤爲密則當訓秘原注坤爲臣爲  
閉故稱密惠氏以爲兌上爻失其義矣

兌小爲密  
說見後

爲恥

一案坤爲小人小人不恥不仁故坤爲恥

爲欲

坤陰吝嗇爲欲

爲過

積惡故爲過

爲醜

坤爲夜太元夜以醜之詩中葺之言言之醜也薛君章句中葺中夜

爲惡

惡道屬陰春秋傳曰惟正月之朔慝未作謂建巳之月惡未作也是知陰爲惡

案乾爲善故坤爲惡

爲怨

案坤爲求所求不遂則怨生焉故爲怨

爲害

案害對利言乾爲利故坤爲害大有九三象傳小人害也是其義坤爲小人

爲終

代終

案終謂六三三體艮艮爲終

爲死

案坤爲消故爲死

爲喪

坤喪于乙

案喪與死同義坤喪于乙亦虞氏納甲說也

爲殺

案臣弑君子弑父故爲殺

爲亂

案亂對治言乾爲治故坤爲亂師上六象傳小人勿用必亂邦也是其義

爲喪期

案象見繫傳喪期無數注坤爲喪期謂從斬衰至緦麻之期數无坎離日月坤象故喪期無數近張氏惠言輯虞氏易義讀至坤爲喪句期字屬下讀故象不列義亦通因并誌于此

爲積惡

初六

案積惡當謂上六二四上爲積坤初六文言傳曰積不善之家初蓋以易言也初與上易故曰積不善之家

爲冥爲晦

月晦于坤

案月晦于坤亦納甲說也坤爲迷故爲冥爲晦

爲夜

案剛柔者晝夜之象乾爲晝故坤爲夜

爲暑

冬至復初九乾也稽覽圖曰冬至之後三十日極寒故乾爲寒夏至姤初六坤也稽覽圖曰夏至之後三



十日極暑故坤爲暑

案乾用事而寒坤用事而暑故乾爲寒坤爲暑

爲乙

坤納乙

案乙謂坤初坤納乙亦納甲說也

爲年爲十年

坤數十

案乾坤當期乾爲歲坤亦爲年十者坤終數也

爲盍

與闔同

爲戶爲闔戶

繫辭

爲庶政

坤眾故爲庶坤發于事業故爲政

案坤爲庶乾爲政陰陽合德故爲庶政

爲大業

繫辭

案乾爲大坤爲業故爲大業據象當屬兌兌二陽故

爲大業坤純陰不可謂大虞氏以坤爲大業非

爲土爲田爲邑

案坤爲地故爲土爲田又爲國故爲邑

爲國爲邦

坤爲土爲民民以土服故爲國爲邦

案國坤象師上開國承家國謂坤也邦乾象否彖傳天下无邦邦謂乾也邦與國顯然區別虞氏以坤爲邦非細讀大傳自知如可以正邦必亂邦也之類邦皆謂乾也

爲大邦

案乾爲大爲邦大邦亦乾象義與上同

爲鬼方

爲鬼爲方故爲鬼方

爲器

形而下者謂之器

爲缶

坤土

案缶離象離中虛故爲缶離三不鼓缶而歌是其證  
虞氏以坤爲缶非

爲輻

爲大輿故爲輻

案輿坤象輻乾象小畜九三輿脫輻輿謂坤輻謂乾  
也三動而變故爲輿說輻虞氏以坤爲輻非觀說卦  
傳坎爲弓輪可見

爲虎

京房易坤爲虎刑

爲黃牛

案坤爲黃爲牛故爲黃牛

震爲帝

帝出乎震

爲主

主器

爲諸侯

漢司徒丁恭曰古者帝王封諸侯不過百里故利以建侯取法于雷逸禮王度記曰諸侯封不過百里象雷震百里

爲人

案人坤象說見上

爲行人

爲行爲人故爲行人

案震爲行坤爲人故爲行人惠氏以震爲人從虞義也二象並同乾

爲士

震初元士

爲兄

案震爲長子故爲兄

爲夫

晉語司空季子論屯之震曰一夫之行也韋昭云一

夫一人也震一索而得男故爲一夫

案序卦傳夫婦之道不可以不久也故受之以恆恆巽下震上巽爲婦故震爲夫

爲元夫

案震乾元故爲元夫

爲行

韋昭曰震爲作足故爲行晉語一夫之行也

案震爲足爲動故爲行

爲征

猶行也

爲出

三日出震

案帝出乎震故爲出出謂出地也三日出震虞氏納

甲說也

爲逐

震爲驚走故稱逐

爲作

一東作之義震爲作足起也震起故爲作

爲興

猶起也

案興象未見

爲奔爲奔走



案震爲足爲行故爲奔爲奔走

爲驚衛

案驚震象衛艮象震艮反復故爲驚衛

爲百

論語讖曰雷震百里聲相附宋均注雷動百里故因以制國也酈炎對事曰或曰雷震驚百里何以知之炎曰以其數知之夫陽動爲九其數三十六陰靜爲八其數三十二一陽動二陰故曰百里

爲言爲講爲議爲問爲語爲告

震善鳴故有諸象

案諸象皆不當屬震乾九二文言傳曰庸言之信二

以易言乾二卽坤五則言者坤象也兌象傳曰君子以朋友講習兌爲口故爲講則講者兌象也節象傳曰君子以制數度議德行中孚傳曰君子以議獄緩死節澤上有水中孚澤上有風並以兌口取象則議者亦兌象也又九二文言傳曰問以辨之問之爲言分也此節乃推言之乾道變化故爲問以辨之則問者乾象也繫辭傳曰君子之道或出或處或默或語默謂良語謂兌也則語者亦兌象也姤象傳曰君子以施命誥四方又益六三有孚中行告公用圭六四中行告公從姤巽下乾上益震下巽上所謂告者皆謂巽也則告者巽象也虞氏以諸象屬震並非

爲響爲音

震爲鼓故爲音

案震爲雷故爲響爲音

爲應

同聲相應鄭注曲禮曰雷之發聲物无不同時應者

爲交

案震巽交易故爲交

爲懲

案懲艮象艮止也故爲懲虞氏以震爲懲非

爲反

案震者艮之反也說卦傳其于稼也爲反生是其義

爲後

爲長子故爲後

案如惠注則爲人後之後非先後之後矣然震爲乾初象當爲先不當爲後象注並未允

爲世

世子

案世坤象乾初九文言傳曰不易乎世謂不與坤易也故世謂坤虞氏以震爲世非

爲從

春秋傳曰太子曰冢子君行則守有守則從故爲從案從亦坤象坤爲順故爲從比象傳曰下順從也是

其義

爲守

守宗廟社稷

爲左

震在卯卯爲左

案易中凡言左者皆謂內卦凡言右者皆謂外卦師  
六四師左次四動之三故爲左次此從雜卦推出豐九三折  
其右肱三動消四故爲折其右肱虞氏以東西取象  
故以震爲左兌爲右

爲生

震春爲生又月三日生明

案生與乾同象乾息故爲生月三日生明亦虞氏納甲說也

爲緩

案緩坤象坤後故爲緩虞氏以震爲緩非

爲寬仁

太元曰三八爲木性仁情喜震爲春春主仁樂緯稽耀嘉曰仁者有惻隱之心本生于木注云仁生于木故惻隱出于自然也

爲樂

春秋繁露曰春蠢也蠢蠢然喜樂之貌案震乾初所謂樂則行之者也故爲樂

爲笑

本卦

案震爲樂爲聲樂而有聲笑之象也故爲笑

爲大笑

案與笑同義

爲陵

震爲阪生阪陵阪

案陵艮象艮爲山故爲陵虞以震爲陵者震反卽艮

又見本卦也

爲祭

主祭

案祭坤象震爲主祭非卽祭也象注並未允

爲鬯

長子主祭器

爲草莽

太元曰爲草

案草莽又見下巽象

爲百穀

爲百爲稼故爲百穀

爲麋鹿

麋鹿善驚震驚之象京房易傳曰震遂泥厥咎國多

麋



爲筐

服虔曰震爲竹竹爲筐

爲趾

足也

巽爲命

原本震後次坎此從說卦

本卦

案巽坤初乾初爲性故坤初爲命

爲誥

見姤卦

案巽爲命故爲誥

爲號

案巽爲風故爲號

爲商

巽近利市三倍故爲商

爲隨

案巽爲股股隨足動故爲隨

爲處

巽陽居故爲處

爲歸

案歸注未見據說卦傳象當屬坎萬物之所歸也

爲利

案利乾象巽爲近利非卽利也象誤

爲同

齊乎巽齊同也

爲交

案震巽交易故亦爲交

爲白茅

案巽爲白爲草故爲白茅

爲草莽

案草莽說見震象

爲草木

剛爻爲木柔爻爲草

案巽以一陰爲主故草木皆取柔象觀坎艮于木可

見惠氏之說亦強區別耳

爲薪

案巽爲草故爲薪

爲帛

案帛坤象坤爲布故爲帛說見九家逸象辨證

爲墉

案巽坤初巽爲高坤爲土故爲墉

爲牀

巽木爲牀

爲桑

案巽爲木故爲桑

爲蛇

位在巳

案震爲龍故巽爲蛇陰陽之別也

爲魚

郭璞曰魚者震之廢氣也朱子發曰巽王則震廢故仲翔以巽爲魚也

坎爲雲

上坎爲雲下坎爲雨

爲元雲

案乾爲元坎得乾中畫故爲元雲

爲大川

案大川兌象虞以坎爲大川坎爲水爲溝瀆也

爲志

心志一也

爲謀

洪範謀屬水釋言曰謀心也

案謀當屬兌說已見坤象

爲惕

加憂爲惕

爲疑

案疑異象異爲進退爲不果故爲疑虞氏以坎爲疑

非

爲恤爲遯

恤遯皆憂也

案坎爲心爲加憂故爲恤爲遯

爲悔

坎心爲悔

爲涕洟

案涕當屬離離爲目自目曰涕故爲涕離五曰出涕  
洟若是其義洟當屬艮艮爲鼻自鼻曰洟

爲疾

案剛柔不當爲疾復剛柔正故云出入无疾虞以坎  
爲疾者亦剛陷柔中又坎爲心病爲耳痛也

爲災

案災離象離爲火故爲災虞氏以坎爲災者

坎伏離也

爲破

案破字不經見據象當屬兌兌爲毀折故爲破虞氏以坎爲破非

爲罪

案坎陷也故爲罪

爲悖

案坎爲心心病故爲悖

爲欲

坎水爲欲



案象已見坤坤爲求故爲欲

爲淫

坎水爲淫

爲獄

坎爲叢棘

案獄離象噬嗑象曰利用獄賁象傳曰君子以明庶政无敢折獄旅象傳曰君子以明慎用刑而不留獄豐象傳曰君子以折獄致刑皆謂離也故離爲獄虞氏以坎爲獄非

爲暴

坎盜爲暴

爲毒

案毒見師象傳

爲虛

案象已見坤坤消故爲虛坎中滿非虛也注亦未見

惠疑誤

爲瀆

煩瀆之瀆

爲孚

案孚見本卦孚信也彖傳行險而不失其信故爲孚

爲平

水性平

爲則

法則

案則艮象艮止也有止而不過之意故爲則乾元用九乃見天則是其義

爲經

六經之經

案經字亦不經見以象當屬坤坤爲文故爲經

爲法

見左傳太元曰一六爲水類爲法

爲藜

坎爲叢棘

案坎爲叢棘見本卦置于藜棘注至爲藜象未見疑  
惠卽以叢棘爲藜也

爲聚

案聚已見上坤象坤眾爲聚坎非聚也當從前說

爲習

本卦

爲美

坎爲美脊故美

爲後

案後已見上震象並當屬坤坤先迷後得主故坤爲  
後

爲入

案入見坎初六入于坎窞注據象當屬巽巽入也虞注乾初入陰得之矣此又以坎爲入疑誤

爲納

納古作內與入同義

案納坤象坤爲順故爲納

爲臀

案坎爲豕故爲臀

爲要

案要艮象艮九三艮其限列其夤夤卽要之象或以坎陽在中故爲要亦通

爲膏

坎雨稱膏太元類爲膏注潤萬物也

爲陰夜

坎月夜

爲三歲

坎上三歲不得

案三歲見本卦卦主一歲三歲謂自旅至履也坎自旅來動變履故爲三歲不得此從雜卦推出

爲酒

案酒見本卦辭坎爲水故爲酒

爲鬼

太元曰類爲鬼范望注陰所聚也

案鬼已見上坤象坤消爲鬼坎非鬼也注亦未見疑  
誤

爲校

桎梏之類

案校離象離中虚于木爲科上稿故爲校噬嗑初九  
屨校滅趾上九何校滅耳皆取離象也下穿木同  
爲弧爲弓彈

案坎爲弓輪故爲弧爲弓彈

爲穿木

桎梏爲穿木

離爲黃

六二

爲見

相見乎離

案離爲目故爲見

爲飛

鳥體飛

案離者離也謂剛柔分也剛柔分故爲飛

爲明

嚮明而治

爲光



案光見需彖有孚光亨貞吉注離日爲光據象當屬坤坤彖傳曰含弘光大又象傳知光大也故坤爲光虞氏以離爲光非蓋離旣爲明不得更爲光矣爲明者乾體也爲光者坤體也以對待言之亦當屬坎屯九五傳曰屯其膏施未光也是其義

爲甲

日出甲上爲甲冑故爲甲

爲孕

爲大腹故爲孕

爲戎

戈兵戎器

爲刀爲斧爲資斧

案離爲戈兵故爲刀爲斧爲資斧

爲矢爲黃矢

馬王亦云離爲矢見釋文離爲黃故又爲黃矢

爲罔

罔罟取諸離

爲鶴爲鳥

見左傳

爲飛鳥

案離爲飛故爲鶴爲鳥爲飛鳥

爲甕爲瓶

案離爲缶故爲甕爲瓶

艮爲弟

案震爲兄故艮爲弟

爲小子

案艮爲少男故爲小子

爲賢人

九三

爲童爲童僕

案艮爲小子故爲童爲童僕

爲官

案官乾象虞以艮爲官者艮乾三也

爲友

案友兌象兌二陽爲朋故亦爲友兌象傳曰君子以朋友講習是其義虞以艮爲友者艮兌交易故取伏象注卽見兌卦

爲道

爲徑路故爲道

案艮乾三故爲道陽息至三君子道長小人道消故泰象云然陰消至三小人道長君子道消故否象云然

爲時

案時亦兌象兌正秋也八卦獨兌以時言故兌爲時

易中凡言時者皆兌象虞氏以艮爲時非

爲小狐

案小狐同九家逸象說見辨證

爲狼

案狼字不經見亦狐類也黔喙之屬

爲碩爲碩果

剝卦

案艮爲小石爲果蓏故爲碩爲碩果

爲愼

案艮止也故爲愼

爲順

艮爲弟善事兄弟故爲順古文慎順通

案坤順也承天之象艮雖坤體不爲順也注亦未見疑誤

爲待

案艮止也故爲待

爲執

爲手故爲執

爲多

艮多節故爲多

案多乾象虞氏以艮爲多艮亦乾三也

爲厚

案厚已見上坤象坤下爲厚艮止故亦爲厚止謂伏也

爲求

艮兌同氣相求故爲求

爲篤實

見大畜象

案艮止也故爲篤實與厚同義

爲穴居

案穴居當屬坎坎陷穴居之象

爲城

案城見泰上

爲宮

門闕宮象  
上案艮曰只艮三十五六十三二十三

為庭

杜預注左傳艮為門庭  
五天為庭始為艮

為廬

案廬見剝上艮為門闕故為廬

為牖

案牖亦門闕之象  
艮其以只為牖

為居

案艮止故為居

為舍

與居同義



爲宗廟

案宗廟見震彖傳震反卽艮艮爲宮室故亦爲宗廟  
爲社稷

案社稷震象坤土震稼社稷之象震彖出可以守宗  
廟社稷是其義虞氏并以艮爲社稷疑未然

爲星

艮主斗斗建十二辰艮爲人斗合于人統朱子發引  
仲翔曰離艮爲星離爲日非星也朱誤讀虞注耳  
案艮爲小石爲光明石在天爲星故爲星下爲斗同  
爲斗

艮上值斗九家易曰艮數三七九六十三三主斗

爲沫

小星

爲肱

案艮爲手故爲肱

爲背

艮爲多節故稱背

爲尾

案艮乾三初爲首故三爲尾

爲皮

艮爲膚故爲皮

案皮亦坤象與膚同義

兌爲友

朋友講習

爲朋

二陽爲朋

爲刑爲刑人

兌秋爲刑

案兌爲毀折故爲刑爲刑人

爲小

案小坤象兌二陽爲大故臨大也虞氏以兌爲小非

爲密

案密已見上坤象坤閉故爲密兌爲口非密也虞蓋

以兌小爲密不知兌亦非小說見上

爲見

見雜卦仲翔曰兌陽息二故見

爲右

兌在西西右也又手也兌爲口口助手故爲右仲翔云口助稱右說文曰右手口相助也

案右說見震象外卦爲右

爲少知

案知乾象兌二陽故爲少知

又說卦異同者五

震爲萋萋作專

案乾爲施震乾初故爲專

爲反生反作阪

案震艮之反也故爲反生虞豫六五貞疾恆不死注亦謂震爲反生

巽爲廣頰廣頰作黃頰

案坤爲廣乾爲頰巽初伏乾故爲廣頰虞氏爲廣頰注變至三坤爲廣四動成乾爲頰在頭口上故爲廣頰與震的頰同義則虞亦未嘗爲黃頰惠不知何據艮爲指爲狗狗作拘

案艮止也故爲狗不嫌重出與震爲龍同

兌爲羊羊作羔

案與狗同義作羔非是

虞氏逸象攷正

虞氏逸象攷正續纂

烏程紀一磊著

予既從易漢學中攷正虞氏逸象後讀張氏

惠言虞

氏易義知惠氏所輯尙有所遺卽張亦間有脫誤因更補錄于後并注所出而張注有未安者亦兼訂焉

乾爲先王

已消則爲先王

以下並張注

爲明君

乾大明

爲大人

案大人謂乾五乾爲大坤爲人陰陽合德而剛柔有



體故爲大人

爲易

變易也乾以易知

案易見恆象傳君子以立不易方注張注乾以易知  
虞氏易知之易亦讀入聲易當謂乾三乾三體艮艮  
兌交易故艮爲易經中凡言易者皆謂艮也

爲立

立天下之大本

案乾上上聲爲立立亦見恆象傳

爲直

其動也直

案直同九家逸象

爲堅剛

君德

爲盛德

日新之謂盛德

爲行

亦德也

爲精

乾精氣

案精見繫傳非天下之至精注至精謂乾

爲言

初息震再息兌震聲兌口爲乾言

案言亦同九家逸象據象當屬坤說見九家逸象辨證蓋乾爲行坤爲言故大畜象傳君子以多識前言往行以畜其德家人象傳君子以言有物而行有恆則言與行不同象也細讀經文自知

爲揚善

案揚善見大有象傳君子以遏惡揚善揚善亦當謂乾三乾三體艮艮爲手乾爲善故爲揚善下爲揚同義

爲仁

元者善之長

案立人之道曰仁與義坤爲義故乾爲仁

爲天休

案天休亦見大有象傳順天休命據文義休字宜連  
下命字讀虞連上讀未然

爲茂

注云乾盈故茂

爲揚

舉也揚上升

爲族

人本乎祖宗族法天

案族見同人象傳君子以類族辨物據象當屬坤坤

爲眾故爲族注引方以類聚則象當屬坤明矣同人  
通師師坤爲類亦爲族虞以乾爲族非

爲高宗

尊祖配天

案高宗謂乾上乾上體巽巽爲高乾爲宗故爲高宗  
注見既濟九三高宗伐鬼方

爲衣

黃帝堯舜垂衣裳取諸乾坤

案衣亦同九家逸象下爲龍同

爲瓜

注云乾圓稱瓜亦木果之屬

案注見遘九五以杞苞瓜據象當謂乾三乾三體艮  
艮爲果蓏蓏瓜也

爲龍

子夏傳云龍所以象陽也

案乾又爲大君見師上六大君有命注

乾爲大爲君故爲大君

爲小君見歸妹六五不如其娣之袂良注

原注乾在下爲小君

案在下謂在坤下坤爲小乾爲君故爲小君

爲舊德見訟六三食舊德注

乾爲舊德故爲舊德

爲賢德見漸象傳君子以居賢德善俗

注乾爲賢德故爲賢德

爲強見乾象傳君子以自強不息注

原注乾健故強爲淵見恆象傳始求深也注

原注乾初爲淵案象當屬坎初

體坎在地下能所潛也故爲淵

爲寵人見剝六五貫魚以宮人寵注

乾為寵坤為人故為寵人為天道見大畜象傳道大行也注乾為

道故為天道為施祿見夫象傳君子以施祿及下注乾為

祿故為為動直見大過象傳不撓乎下注乾其動為

玉鉉見鼎上九玉鉉大吉注乾為玉為金在鼎上以

上諸象張惠並闕

坤為臣為順臣

案乾為君故坤為臣為順故又為順臣

為萬民

案萬民見繫傳萬民以察注坤為眾為民故為萬民

為邑人

乾藏坤中坤邑有人

案坤爲邑爲人故爲邑人張取乾藏坤中者張從虞以乾爲人也

爲牝

陰雌

案牝亦同九家逸象說見辨證

下爲迷爲方爲裳爲囊同

爲母

足大指此蓋因坤爲母而借爲震艮之名

案母見咸初六咸其母注據象亦當屬震艮震反故

咸其母

爲萃

案坤爲眾故爲萃



爲容

猶包也

案容亦乾象剛上柔下故乾爲容離九四象傳无所容也是其義

爲疆

卽方也

爲无疆

應地无疆

案坤上爲疆下爲无疆

爲理

文理也坤爲文有文則理

爲體

正位居體

案陰陽合德而剛柔有體剛以柔爲體故坤爲體

爲業

案業謂坤四坤四體兌

四反卽三

兌爲業繫傳以定天下

之業業謂兌

爲俗

注云坤陰小人柔弱爲俗

案俗世俗也坤爲世故爲俗俗見漸象傳君子以居賢德善俗善俗猶文言傳言善世

爲度

事之法

案度卽天度之度注見節象傳以君子以制數度周天三百六十五度四分度之一故爲數度制數度卽所謂天地節而四時成也亦爲法度之度故曰節以制度張注所謂事之法也

爲藏

闔戶謂之坤

案說卦傳坤以藏之藏以消言顯諸仁藏諸用是其義

爲迷

注云坤冥爲迷

爲過惡

坤凝乾則過惡

案過惡象當屬艮艮以止之過惡之象

爲永終

用六永貞

爲敝爲窮

皆盡也亦終意

案敝壞也注見歸妹象傳君子以永終知敝敝與終意少別

爲夕爲莫夜

注云坤冥爲莫夜

爲義門

乾坤易之門陰爲義

爲閉關

注云坤闔爲閉關

爲積土爲階

古者土階積土也

爲萬國

坤數眾

爲異邦

不同于乾也

爲方

至靜而德方

爲裳爲紱

鞞也裳類

爲車

卽大輿

爲囊

囊之括物猶大輿

案坤以藏之故爲囊張云猶大輿猶差一線

爲兕

牛屬

爲牝牛

注云俗以離爲牝牛失之

案離爲牝牛卽荀九家逸象虞不然之故以爲俗說  
後儒不知以九家逸象附經後當爲虞氏所笑也

又案坤爲眾臣見繫傳百官以治注

坤爲眾爲臣故爲眾臣

爲

后見泰象傳后以財成天地之道注

原注坤女主故稱后

爲憂

見文言傳憂則違之注

原注坤死稱憂

爲昧見屯象傳天造

草昧注

原注坤冥爲昧

爲迷暗見繫傳萬民以察注

坤爲迷于地爲

黑故爲迷暗

爲不善見繫傳出其言不善注

坤爲惡故爲不善

爲

不仁不義見繫傳小人不恥不仁不畏不義注

坤上爲不

仁下爲不義

爲閉戶見繫傳聖人以此洗心退藏于密注

闔戶謂之坤

爲藏器見繫傳君子藏器于身注

坤爲藏爲器故爲藏

器為器用見繫傳備物致用立成器以為天下利注

坤為器為用故為器用 為亂世見繫傳其衰世之意邪注坤為亂為

世故為亂世 為空虛見豐上六闕其戶闐其无人注坤為虛故

為空虛 為安身見繫傳安其身而後動注坤為身為安故為安身

為鬼害見謙彖傳鬼神害盈而福謙注坤為鬼為害故為鬼害

為廣見說卦傳為廣類注坤廣生故為廣 為復見復彖傳復

其見天地之心注自下而上謂之復自上而下亦謂之復故坤為復 為虎變

見革六五大人虎變注坤為虎變 以上諸象張惠亦

並闕

震為驚走

動也



爲定

注云震專爲定

案震動也不可言定象當屬乾乾其靜也專故爲定天尊地卑乾坤定矣是其義虞氏改專爲專故謂震專爲定而不自知其非

爲講論

案講論與講同義亦當屬兌說見上

爲聲

案震爲雷故爲聲同聲相應是其義巽風震雷

爲鳴

案鳴已見說卦爲善鳴

爲後世

長子繼世

爲常

世守故常

案注見文言傳後得主而有常陽出初震爲主爲常也震爲主故亦爲常張謂世守故常失其義矣

爲喜笑爲笑言

樂之聲

爲道

路也卽大塗亦爲道德

爲禾稼

阪生也

爲鼓

象雷聲

案鼓同九家逸象

爲馬

體乾健動

案馬已見說卦上禾稼同

又案震爲建見比彖傳先王以建萬國注

震動故爲建

夷主見豐九四遇其夷主注

震爲主故又爲夷主爲動起見蒙

彖匪我求童蒙童蒙求我注

震動也起也故爲動起爲百里見

繫傳千里之外應之注

震驚百里見本卦辭爲反生見豫六五

貞疾恆不死注

震爲艮反反生亦見說卦其爲後笑于豫也爲反生反虞又作阪

見同人九五同人先號咷而後笑注

後笑言啞啞爲亦見本卦辭

後動爲後語爲後交並見繫傳君子安其身而後動

注

虞以震爲後故爲後動後語後交

爲出言見繫傳君子居其室出

其言善注

震爲出故爲出言

爲言問見繫傳問焉而以言注

虞以震爲言爲問故爲言問辨見上

爲鹿見比九五失前禽注

震爲驚走故爲

鹿以上諸象張惠亦並闕

巽爲命令爲號令爲教令

案巽爲命故又爲諸象

爲號咷

雷風同聲震陽笑言巽陰號咷

爲處女

巽伏處又長女

爲婦爲妻

巽爲震婦

爲人爲入伏

陽出震入巽退藏于密

案巽入也已見說卦虞注乾初入陰又兌見而巽伏

也亦見雜卦二象近贅

爲齊

齊乎巽

案妻之爲言齊也巽以陰牝陽故爲齊

爲進爲退

卽進退也

案巽爲進退亦已見說卦進以柔言退以剛言柔進則剛退故爲進退

爲舞

象風

案陰消巽爲舞所謂風以散之也

爲谷

坎水半見于下

案谷山谷注見井谷射鮒據象當屬坎坎陷谷象虞氏以巽爲谷未然

爲長木

巽又長也

爲苞

木之柔者

案苞見遯九五以杞苞瓜張注苞蔓也謂四變五乾體巽瓜蔓于杞而此又謂木之柔者疑誤

爲楊

柔木

案楊亦同九家逸象

爲木果

有果之木

案木果爲乾象則巽非木果矣張云有果之木亦強  
爲說耳

爲茅

注云巽柔白爲茅

爲蘭

巽爲臭草臭莫如蘭

爲杞

杞柳

爲葛藟

注云巽爲草莽稱葛藟

爲繩



爲繩直故亦爲繩

爲腰帶

巽爲帛爲交坎爲要巽覆坎要故爲腰帶

爲緝

汲水索注云巽繩爲緝

爲鮒

小魚

案巽又爲有命見師上六大君有命注巽爲命故爲

高舞見豐六二日中見斗注巽爲高爲舞爲商旅見

復彖傳商旅不行注巽近利市爲退伏見繫傳聖人

以此洗心退藏于密注巽爲退爲伏爲入處見繫傳

後世聖人易之以棺槨注

巽爲入爲處故爲入處

以上諸象張

惠亦並闕

坎爲聖

體乾九二

案虞氏象例乾爲聖人今以坎爲聖坎天一體乾初元也故亦爲聖初蓋兼才也張乃謂體乾九二殊失之蓋九二卽坤觀虞氏乾九二地數始二故稱易曰注可見

爲川爲河

溝瀆一也

爲心

坎得乾中爻乾之心也

案心見本卦辭維心亨

爲思爲慮

案坎爲心故爲思爲慮易中凡從心者皆坎象也

爲艱爲蹇

案坎陷也故爲艱爲蹇

爲憂

卽加憂

案坤爲憂至坎以一陽爲主剛陷柔中故爲加憂張氏之注亦未細辨及此

爲忘

皆心之屬

爲勞

勞卦也

爲濡

與弱也水德

爲眚

陽陷陰中故多眚不必與矣

爲疾病爲疾厲爲疑疾

案虞以坎爲疾故又爲諸象

爲寇盜

卽盜

爲罰

法也

爲脊

陽在中爲脊不獨馬矣

爲歲

歲始冬至

案歲已見上乾象乾坤當期歲之象也故易中凡言  
年歲皆當取乾坤象虞又以坎爲歲失之

爲尸

坤之鬼乾之尸

案尸象見師六三師或輿尸注原注坎爲尸坎爲車

多眚同人離爲戈兵爲折首失位乘剛无應尸在車  
上故輿尸凶矣據此則上坎字疑誤當云坤爲尸坎  
爲車多眚坤尸坎車故云尸在車上此惠氏易漢學  
尸象所以在坤也張以尸屬坎誤矣

爲叢木爲叢棘爲蒺藜

堅多心之木常叢生

案叢棘蒺藜亦同九家逸象

爲棘匕

棘爲之

爲木

堅多心也

爲車

多眚也

爲馬

美脊等是也

案諸象亦已見說卦

又案坎爲雨見乾象傳雲行雨施注

坎在下爲雨

爲積見

小畜象傳得積載也注

原注坎習爲積

爲勸見井象傳君子

以勞民勸相注

勸卽勞意

爲災眚見復上六有災眚注

坎爲習

災爲眚故爲災眚

爲閑習見大畜九三日閑輿衛注

坎爲習故爲閑

習爲常見本卦象傳君子以常德行注

案常已見震象

爲棘

見渙九二渙奔其机注

坎于木爲多心故爲棘

爲寇見蒙上九

不利爲寇利禦寇注

寇卽盜

以上諸象張惠亦並闕

離爲女子

中女

爲婦

大腹妊身

爲惡人

離在四爲惡人

爲爵

位也古者爵位取義于爵酒爵之義又取爵之鳴節節足足則亦飛鳥之義

爲日



畫也

案離爲日已見說卦張誤

爲折首

離上爻象

案折首當屬兌兌爲毀折乾爲首以兌消乾故爲折

首

爲飛矢

案離爲矢爲飛故爲飛矢

爲罟

罟取諸離

爲隼爲鴻

案並飛鳥之象

又案離為戎兵見萃象傳君子以除戎器注

離為戎為戈兵

故為戎兵為鳥矢見小過六五公弋取彼在穴注

離為鳥為矢故

為鳥矢以上二象張惠亦闕

艮為君子

案艮乾三乾君艮子故為君子象同乾

為童蒙

案艮為少男故為童蒙

為闍

即闍寺

案闍已見說卦下為石岡

爲霆

雷自上反

爲果

決也成終始故果

爲節

亦慎意

爲制

注云艮手止稱制

爲小

陽小

案陽大陰小故乾爲大坤爲小艮爲小石亦兼取坤

象虞以艮爲小而張以陽小釋之未然

爲取

注云艮手爲取

爲石

卽小石

爲鼻

山澤通氣山虛受澤故爲鼻

案鼻亦同九家逸象

爲腓

二爻象注云巽長爲股艮小爲腓蓋以咸二應五巽得象

爲膚

乾爲骨坤爲肉艮乾三覆坤在肉之外故爲皮膚

案膚亦坤象說見九家逸象辨證

爲小木

堅多節之木恆小

爲豹

黔喙之屬

案艮又爲對時見无妄象傳先王以茂對時育萬物

注兌爲時艮兌交爲宮室見觀六二闕觀利女貞注

故爲宮室艮爲門闕爲門庭見節初九不出門庭注艮爲庭故

爲小徑見漸初六鴻漸于干注艮體坤坤爲小艮爲

爲徑路故爲小徑

山邱見繫傳蓋取諸大過注良爲山故以上諸象張

惠亦闕

兌爲妹

少女

爲妻

艮妻

爲講習

象曰君子以朋友講習

爲少

幼也兌少女

爲通

山澤通氣

案坎為通剛中故也兌積坎成故亦為通

為下

澤下也

案下坤象虞以兌為下張以澤下釋之俱未然

為契

刻木兩書一札同而別之兌為附決連附而分之象

案兌之為言易也艮兌交易契所取象

又案兌為說音脫見蒙初六用說桎梏注兌為毀折故為說為

少見隨六二係小子注兌為少女故為少為水見革彖傳水

火相息注原注離為火兌為水繫日潤之以風雨風巽雨兌也四革之正坎見故獨于此稱水

也晁氏疑兌無水為水澤見臨彖傳剛浸而長注兌

象豈未見虞注乎兌為水澤見臨彖傳剛浸而長注兌

水為澤故為雨見繫傳以待風雨注潤之以風雨風

為雨澤見大過九二枯楊生稊注兌為雨為澤為西

見小畜彖自我西郊注兌正秋故為西四方之象以

上諸象張惠亦並闕



士前集通志本並編

吳小言六曰若百校若

為河遊吳大感處二林游半轉中

水書

虞氏逸象攷正續纂

新

卷

虞